

KJKP „VODOVOD I KANALIZACIJA“ d.o.o. SARAJEVO
v.d. DIREKTOR
Izvod broj : 34/19

Sarajevo, 16.08.2019. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 34/19 od 01.08.2019. godine, u postupku javne nabavke br. 34/19 „Materijal za izradu i montažu građevinske limarije“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 34/19 od 01.08.2019. godine i ugovor za javnu nabavku roba : „Materijal za izradu i montažu građevinske limarije“ – tender broj 34/19 dodjeljuje se ponuđaču: „INTER-COM“ d.o.o. Zenica ponuda broj: 198-A/19 od 13.05.2019. godine, za ponudenu cijenu od 16.160,88 KM bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „INTER-COM“ d.o.o. Zenica po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 34/19 od 16.04.2019. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 15.000,00 KM.

Obavještenje o nabavci broj : 247-1-1-51-3-135/19 poslato je na objavljivanje na Portal javnih nabavki dana 24.04.2019. godine, a sažetak obavještenja o nabavci objavljen je u Sl. glasniku BiH broj : 31. od 26.04.2019. godine.

Komisija za javnu nabavku imenovana je Rješenjem br. 21-01-01/19 od 21.01.2019. godine, Odlukom o izmjeni Rješenja o imenovanju komisije za javne nabavke broj 02-04/19 od 02.04.2019. godine i dopunskim Rješenjem za promjenjive članove komisije br. 34/19-1 od 16.04.2019. godine.

Komisija za javnu nabavku dostavila je dana 13.08.2019.g. Preporuku o izboru najpovoljnijeg ponuđača broj 34/19 u postupku javne nabavke roba: „Materijal za izradu i montažu građevinske limarije“ - tender broj 34/19.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 1 (jedna) ponuda - „INTER-COM“ d.o.o. Zenica;
 - Da je blagovremeno zaprimljeno: 1 (jedna) ponuda - „INTER-COM“ d.o.o. Zenica;
 - Da nije bilo neblagovremeno zaprimljenih ponuda;
 - Da dostavljena ponuda ponuđača „INTER-COM“ d.o.o. Zenica ispunjava zahtijevane tenderske uslove prema obliku i potpunosti u smislu pripreme ponude;
- Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

R. br.	Zahtjevana kvalifikaciona dokumentacija	Ponuđač
		„INTER-COM“ d.o.o. Zenica
1.	Tačka: 13 TD: Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Komisija konstatuje da ponuđač „INTER-COM“ d.o.o. Zenica ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponuđač
		„INTER-COM“ d.o.o. Zenica
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	Tačka: 16.TD pod 1: Obrazac za ponudu – Aneks II; Prilog 1.	DA

R. br.	Ostala zahtjevana dokumentacija/aneksi-prilozi	Ponudač
		„INTER-COM“ d.o.o. Zenica
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA
3.	Tačka: 20 TD: Obrazac za cijenu ponude – Aneks III; Prilog 2	DA
4.	Tačka 31 i 36 TD: Nacrt okvirnog sporazuma – Prilog 7.	DA
5.	Tačka: 31 i 37 TD: Nacrt ugovora o javnoj nabavci – Prilog 8.	DA
6.	Tačka: 43 TD: Povjerljive informacije – Prilog 6.	DA

Komisija konstatuje da je ponudač „INTER-COM“ d.o.o. Zenica dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponudač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Takođe je konstatovano da je ponuda ponudača „INTER-COM“ d.o.o. Zenica potpisana po punomoći direktora Safeta Škaljića, dipl.ecc., na dan 12.05.2019. godine za Aldin Đananović i Zumra Trako-Patković.

Pojašnjenje u smislu člana 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtijevalo.

Računskom kontrolom specifikacije ponude ponudača „INTER-COM“ d.o.o. Zenica konstatovano je da u ponudi ponudača „INTER-COM“ d.o.o. Zenica nema grešaka računске prirode.

Konstatovano je da ponudač „INTER-COM“ d.o.o. Zenica nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Komisija je konstatovala da cijena ponude ponudača „INTER-COM“ d.o.o. Zenica iznosi 16.160,88 KM bez PDV-a, dok procijenjena vrijednost za predmetnu nabavku iznosi 15.000,00 KM bez PDV-a. Utvrđeno je da vrijednost ponude ponudača „INTER-COM“ d.o.o. Zenica premašuje procijenjenu vrijednost za iznos od 1.160,88 KM odnosno 9,27 %.

Obzirom da je cijena jedine prihvatljive ponude veća od procijenjene vrijednosti za predmetnu nabavku, komisija je o istom dana 22.05.2019. godine obavijestila Upravu preduzeća i zatražila da se ista očituje o mogućnosti obezbjeđenja dodatnih sredstava za predmetnu nabavku kako bi se nastavilo sa postupkom predmetne nabavke.

Odlukom Uprave preduzeća broj 03-03/19 od 29.07.2019. godine dobivena je saglasnost za nastavak postupka odabira najpovoljnijeg ponudača, te je nastavljeno sa postupkom odabira najpovoljnijeg ponudača za navedeni postupak.

Vrijednost ponude ponuđača „INTER-COM“ d.o.o. Zenica iznosi **16.160,88 KM bez PDV-a.**

Komisija za javne nabavke daje prijedlog Ugovornom organu da za nabavku roba : „Materijal za izradu i montažu građevinske limarije“ – tender broj 34/19 donese Odluku o dodjeli ugovora ponuđaču „INTER-COM“ d.o.o. Zenica, broj ponude : 198-A/19 od 13.05.2019. godine, čija vrijednost ponude iznosi : 16.160,88 KM bez PDV-a.

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a



v.d. Direktor

Enver Hadžiahmetović, dipl.ing.maš.